

ქ. ზუგდიდი

11 ივნისი, 2014 წელი.

ერთის მხრივ, ა.ა.ი.პ. ზუგდიდის მუნიციპალიტეტის მუსიკალურ-ქორეოგრაფიული ცენტრი „ოდიში“ (შემდგომში „შემსყიდველი“), მისი უფლებამოსილი წარმომადგენლის, დირექტორის ნინო მამფორიას სახით და მეორეს მხრივ, ინდივიდუალური საწარმო „მარინა დემურია“ (შემდგომში „მიმწოდებელი“), მისი უფლებამოსილი წარმომადგენლის, ინდ. მეწარმის მარინა დემურიას სახით, საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე ვდებთ წინამდებარე სახელმწიფო შესყიდვის შესახებ ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი

- 1.1 „მიმწოდებელი“ ვალდებულია კისრულობს მიაწოდოს და გადასცეს საკუთრებაში „შემსყიდველს“ ხელშეკრულებით გათვალისწინებული „შესყიდვის ობიექტი“, ხოლო „შემსყიდველი“ ვალდებულია კისრულობს მიიღოს და აუნაზღაუროს „შესყიდვის ობიექტის“ ღირებულება წინამდებარე ხელშეკრულებით გათვალისწინებული წესით.
- 1.2 ხელშეკრულების საგანია ა.ა.ი.პ. ზუგდიდის მუნიციპალიტეტის მუსიკალურ-ქორეოგრაფიული ცენტრი „ოდიში“-ს საკუთარი შემოსავლებით, „შემსყიდველის“ მიერ „მიმწოდებლისაგან“ საქართველოს კულტურისა და ძეგლთა დაცვის სამინისტროს გაცვლითი პროექტის „ჩემი საქართველო აქ არის“ ფარგლებში, ქალაქ გორიდან ჩამოსული სტუმრებისათვის (ქ. გორის მუნიციპალიტეტის სიძღერისა და ცეკვის ანსამბლ „გორი“-ს 50 წევრისათვის) ალა-ფუშეთის მოსაწყობად დანართში მოცემული რაოდენობითა და ფასებით სხვადასხვა საკვები პროდუქტების, სასმელების და ქაღალდის ხელსაწოდების (შემდგომში „შესყიდვის ობიექტი“) შესყიდვა (CPV კოდი: 15800000-სხვადასხვა საკვები პროდუქტები; 15900000-სასმელები, თამბაქო და მონათესავე პროდუქტები; 33700000-პირადი ჰიგიენის საშუალებები), გამარტივებული შესყიდვის საშუალებით.

2. შესყიდვის ობიექტის დასახელება

- 2.1 ხელშეკრულების ობიექტი მოცემულია დანართში, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების სამართო ღირებულება

- 3.1 „შესყიდვის ობიექტის“ მთლიანი სახელშეკრულებო თანხა, საქართველოს კანონმდებლობით დადგენილი გადასახადების ჩათვლით შეადგენს 81.70 (ოთხმოცდაერთი ლარი და 70 თეთრი) ლარს.
- 3.2 „შესყიდვის ობიექტის“ ერთეულის ფასები მოცემულია დანართში.

4. შესყიდვის ობიექტის ხარისხი და გარანტია

- 4.1 „მიმწოდებლის“ მიერ მოწოდებული „შესყიდვის ობიექტის“ ხარისხი უნდა შეესაბამებოდეს სტანდარტებს და ტექნიკურ ნორმებს.

5. შესყიდვის ობიექტის მიწოდების პირობები

- 5.1 „შესყიდვის ობიექტის“ მიწოდება „მიმწოდებლის“ მიერ განხორციელდება ხელშეკრულების გაფორმების თარიღიდან 5 (ხუთი) კალენდარული დღის განმავლობაში.
- 5.2 „შესყიდვის ობიექტის“ მიწოდების პუნქტად განსაზღვრულია „მიმწოდებლის“ ოფისი, შემდეგ მისამართზე: ქ. ზუგდიდი, რუსთაველის ქ. №111.
- 5.3 „შესყიდვის ობიექტის“ მიწოდების პარალელურად, „მიმწოდებელი“ ვალდებულია უზრუნველყოს თანმხლები დოკუმენტაციის წარდგენა „შემსყიდველისთვის“ (საგადასახადო ანგარიშ-ფაქტურა ან კანონმდებლობით დაშვებული სხვა დოკუმენტი).

6. შესყიდვის ობიექტის მიღება-ჩაბარების წესი

- 6.1 „შესყიდვის ობიექტი“ ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 6.2 „შესყიდვის ობიექტის“ მიღება-ჩაბარება მოხდება „მიმწოდებელთან“ ზემოთაღნიშნულ მისამართზე ან „შემსყიდველთან“.
- 6.3 ხელშეკრულების ობიექტის მიღებას ახორციელებენ „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლები, რომლებიც „შესყიდვის ობიექტის“ მიღების შედეგების მიხედვით აფორმებენ შესაბამის მიღება-ჩაბარების აქტს.
- 6.4 „შესყიდვის ობიექტის“ მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“.

7. ანგარიშსწორების წესი

- 7.1 ანგარიშსწორება „მიმწოდებელთან“ განხორციელდება „შესყიდვის ობიექტის“ მიღების შემდეგ, უნაღლო ანგარიშსწორების სახით, „მიმწოდებლის“ საბანკო ანგარიშზე თანხის გადარიცხვის ფორმით.
- 7.2 ანგარიშსწორებას „შემსყიდველი“ განახორციელებს ფაქტობრივად მიღებული „შესყიდვის ობიექტის“ რაოდენობის გათვალისწინებით შესაბამისი მიღება-ჩაბარების აქტის და საგადასახადო ანგარიშ-ფაქტურის (ან კანონმდებლობით დაშვებული სხვა დოკუმენტის) წარდგენიდან 20 (ოცი) სამუშაო დღის განმავლობაში.

8. მხარეთა უფლება-მოვალეობანი

8.1 „შემსყიდველი“ ვალდებულია:

- 8.1.1 უზრუნველყოს მისთვის გადაცემული „შესყიდვის ობიექტის“ შესაბამისი ანაზღაურების გადახდა „მიმწოდებლისათვის“, წინამდებარე ხელშეკრულების პირობათა სრული დაცვით;
- 8.1.2 „შესყიდვის ობიექტის“ მიწოდებისთანავე გააფორმოს მიღება-ჩაბარების აქტი.

8.2 „შემსყიდველი“ უფლებამოსილია:

- 8.2.1 „მიმწოდებლისგან“ მოითხოვოს უფლებრივად და ნიეთობრივად უნაკლო ობიექტის ხელშეკრულებით დადგენილი ოდენობითა და ვადაში მიღება;
- 8.2.2 „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში ცალმხრივად შეწყვიტოს ხელშეკრულება;
- 8.2.3 თვით ან მოწვეული ექსპერტების მეშვეობით, დაუბრკოლებლივ განახორციელოს „მიმწოდებლის“ მიერ გადაცემული „შესყიდვის ობიექტის“ ხარისხის, კომპლექტაციის, მარკირების, შეფუთვის შემოწმება;
- 8.2.4 „მიმწოდებლისაგან“ მოითხოვოს „შესყიდვის ობიექტის“ გადაცემის შესახებ მიღება-ჩაბარების აქტის გაფორმება.

8.3 „მიმწოდებელი“ ვალდებულია:

- 8.3.1 ხელშეკრულებით დადგენილ ვადაში, ხელშეკრულებით დადგენილი ოდენობითა და ღირებულებით მიაწოდოს უფლებრივად და ნიეთობრივად უნაკლო „შესყიდვის ობიექტი“;
- 8.3.2 ხელშეკრულების მოქმედების პერიოდში „შემსყიდველს“ წარუდგინოს „შესყიდვის ობიექტთან“ დაკავშირებით ნებისმიერი სახის ინფორმაცია და დოკუმენტები;
- 8.3.3 საკუთარი ხარჯებით უზრუნველყოს „შემსყიდველის“ მიერ გამოვლენილი „შესყიდვის ობიექტის“ მდგომარეობასთან დაკავშირებული ყველა ნაკლის აღმოფხვრა;
- 8.3.4 „შესყიდვის ობიექტის“ მიწოდებასთან დაკავშირებით, მოთხოვნის შემთხვევაში წარუდგინოს „შემსყიდველს“ მიწოდებული „შესყიდვის ობიექტის“ შესახებ შესაბამისი პირველადი დოკუმენტაციის ასლები და ანგარიში, რომლის შემდეგაც ფორმდება დადგენილი ფორმის მიღება-ჩაბარების აქტი;
- 8.3.5 დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;
- 8.3.6 ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.

8.4 „მიმწოდებელი“ უფლებამოსილია:

- 8.4.1 „შემსყიდველისაგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

9. უფლებების გადაცემა

9.1 მხარეებს არა აქვთ უფლება მეორე მხარესთან წერილობითი თანხმობის გარეშე მთლიანად ან ნაწილობრივ გადასცენ მესამე მხარეს ხელშეკრულებით განსაზღვრული უფლება-მოვალეობანი.

10. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

11. ხელშეკრულებაში ცვლილებების შეტანა

11.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. შეტყობინება

12.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. ხელშეკრულების შესრულების შეფერხება

13.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

13.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. მხარეთა პასუხისმგებლობა ხელშეკრულების პირობების შეუსრულებლობისათვის

14.1 ფორს-მაჟორული პირობების გარდა, მხარეთა მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მათ პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესით.

14.2 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის „მიმწოდებელს“ ეკისრება პირგასამტეხლო, ხელშეკრულების საერთო ღირებულების 0,1%-ის ოდენობით, რომლის გადახდა უნდა მოხდეს „შემსყიდველის“ წერილობითი მოთხოვნის მიღებიდან 20 (ოცი) საშუალო დღის განმავლობაში.

14.3 თუ „მიმწოდებელი“ პირგასამტეხლოს სახით გადახდის შესახებ შეტყობინების მიღებიდან 20 (ოცი) საშუალო დღეში არ გადაიხდის პირგასამტეხლოს, მას დამატებით დაეკისრება ჯარიმა, ყოველ გადაგადაცილებულ დღისათვის პირგასამტეხლოს თანხის 0,15%-ის ოდენობით.

- 14.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 20%-ს „შემსყიდველს“ უფლება აქვს შეწყვიტოს ხელშეკრულება.
- 14.5 „შემსყიდველს“ უფლება აქვს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან.
- 14.6 პირგასამტეხლოს გადახდა არ ათავისუფლებს „მიმწოდებელს“ ხელშეკრულებით ნაკისრი ვალდებულებების შესრულებისაგან.
- 14.7 პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

15. ხელშეკრულების მოქმედების შეწყვეტა

- 15.1 ხელშეკრულების დამდები მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 15.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 3 (სამი) სამუშაო დღით ადრე მაინც, ამასთან, უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 15.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.
- 15.4 მხარეთა შორის გაფორმებული საბოლოო მიღება-ჩაბარების აქტი წარმოადგენს ხელშეკრულების მოქმედების შეწყვეტის საფუძველს.

16. ფორს-მაჟორი

- 16.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 16.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 16.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

17. ღაპობის გადაწყვეტის წესი

- 17.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 17.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

18. ხელშეკრულების ინსპექტირების პირობები

- 18.1 „შემსყიდველს“ ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.
- 18.2 ხელშეკრულების კონტროლს ახორციელებს „შემსყიდველის“ მიერ გამოყოფილი სპეციალური ინსპექტირების ჯგუფი, შემდეგი შემადგენლობით: ნატალია კემულარია – ა.ა.ი.პ. ზუგდიდის მუნიციპალიტეტის მუსიკალურ-ქორეოგრაფიული ცენტრი „ოდიში“-ს დირექტორის მოადგილე; ნანა ჩიქავა ა.ა.ი.პ. ზუგდიდის მუნიციპალიტეტის მუსიკალურ-ქორეოგრაფიული ცენტრი „ოდიში“-ს მთავარი სპეციალისტი (ანსამბლების კოორდინატორი).
- 18.3 ინსპექტირება განხორციელდება წარმოქმნილი საჭიროებიდან გამომდინარე.
- 18.4 „შემსყიდველის“ მიერ გამოყოფილი ინსპექტირების ჯგუფი უფლებამოსილია განახორციელოს მიწოდებული ან/და მისაწოდებელი „შესყიდვის ობიექტის“ რაოდენობის, ხარისხისა და მიწოდების ვადების კონტროლი.
- 18.5 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა.

- 18.6 „მიმწოდებელი“ ვალდებულია „შესყიდვის ობიექტის“ მიწოდების განხორციელების დროს ინსპექტირების ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელიშეშემული პირობები და წარუდგინოს „შესყიდვის ობიექტის“ მიწოდებასთან დაკავშირებით ნებისმიერი სახის ინფორმაცია და დოკუმენტები.
- 18.7 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით.

19. დასკვნითი დეკლარაცია

- 19.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.
- 19.2 მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 19.3 ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.
- 19.4 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.
- 19.5 ხელშეკრულება ძალაში შედის მისი ხელმოწერის მომენტიდან და მოქმედებს 2014 წლის 14 ივლისის ჩათვლით.
- 19.6 წინამდებარე ხელშეკრულება შედგენილია 2 (ორი) თანაბარუფლებიანი ძალის მქონე ეგზემპლარად, 1(ერთი) ეგზემპლარი ინახება „შემსყიდველთან“, ხოლო 1 (ერთი) ეგზემპლარი გადაეცემა „მიმწოდებელს“.

20. მხარეთა მისამართები, საბანკო რეკვიზიტები და ხელმოწერები

„შემსყიდველი“

„მიმწოდებელი“

ა.ა.ი.პ. ზუგდიდის მუნიციპალიტეტის მუსიკალურ-
ქორეოგრაფიული ცენტრი „ოდიში“
საიდენტიფიკაციო კოდი 220413960
ფაქტიური მისამართი: ქ. ზუგდიდი, ჯანაშიას ქ. № 12
საბანკო რეკვიზიტები: ს.ს. „ლიბერთი ბანკი“-ს
სამეგრელოს რეგიონალური ფილიალი
ბანკის კოდი LBRTGE22
ანგ. №GE25LB0121137285443000

ინდივიდუალური საწარმო „მარინა დემურია“
საიდენტიფიკაციო კოდი: 01013006637
ფაქტიური მისამართი: ქ. ზუგდიდი, რუსთაველის ქ.
№111
საბანკო რეკვიზიტები: ს.ს. „პროკრედიტბანკი“
ბანკის კოდი: MIBGGE22
ანგარიშის ნომერი: №GE76PC0173600100026446

ა.ა.ი.პ. ზუგდიდის მუნიციპალიტეტის მუსიკალურ-
ქორეოგრაფიული ცენტრი „ოდიში“-ს
დირექტორი:  /ნ. მამფორია/

ინდ.მეწარმე:  /მ. დემურია/



დ ა ნ ა რ თ ი

№	შესყიდვის ობიექტის დასახელება	CPV კოდი:	განზომილების ერთეული	რაოდენობა	ერთეულის ფასი (ლარი)	საერთო ღირებულება (ლარი)
1	პური „აგურა“	15800000	ცალი	3	0.90	2.70
2	კიტრის მწნილი		ცალი	1	7.30	7.30
3	ყველი სულგუნი		კგ.	1.3	15.00	19.50
4	საექიმო დიდი მოხარშული ძეხვი		კგ.	2.06	8.30	17.10
5	პური ტოსტერი		ცალი	5	1.00	5.00
6	კეჩუპი		ცალი	2	1.20	2.40
7	ბახმარი 0.5ლ.	15900000	ცალი	30	0.35	10.50
8	ტარხუნა პეტი 0.33ლ.		ცალი	8	0.50	4.00
9	კოწახური პეტი 0.33ლ.		ცალი	2	0.50	1.00
10	ვაშლი პეტი 0.33ლ.		ცალი	5	0.50	2.50
11	ლიმონი პეტი 0.33ლ.		ცალი	4	0.50	2.00
12	ჟოლო პეტი 0.33ლ.		ცალი	1	0.50	0.50
13	ფორთოხალი პეტი 0.33ლ.		ცალი	3	0.50	1.50
14	ატამი პეტი 0.33ლ.		ცალი	7	0.50	3.50
15	ხელსახოცი ფამილია	33764000	ცალი	1	2.20	2.20
	ჯამი:					81.70

„შეძსყიდველი“

ა.ა.ი.პ. ზუგდიდის მუნიციპალიტეტის მუსიკალურ-
ქორეოგრაფიული ცენტრი „ოლიში“
საიდენტიფიკაციო კოდი 220413960
ფაქტიური მისამართი: ქ.ზუგდიდი, ჯანაშიას ქ.№12
საბანკო რეკვიზიტები: ს.ს. „ლიბერთი ბანკი“-ს
სამეგრელოს რეგიონალური ფილიალი
ბანკის კოდი LBRTGE22
ანგ. №GE25LB0121137285443000

ა.ა.ი.პ. ზუგდიდის მუნიციპალიტეტის მუსიკალურ-
ქორეოგრაფიული ცენტრი „ოლიში“-ს
დირექტორი:  /ნ. მამფორია/



„მიმწოდებელი“

ინდივიდუალური საწარმო „მარინა დემურია“
საიდენტიფიკაციო კოდი: 01013006637
ფაქტიური მისამართი: ქ. ზუგდიდი, რუსთაველის ქ.
№111
საბანკო რეკვიზიტები: ს.ს. „პროკრედიტბანკი“
ბანკის კოდი: MIBGGE22
ანგარიშის ნომერი: GE76PC0173600100026446

ინდ.მეწარმე:  /მ. დემურია/

